

بازار ایرتسی فی ۱۸ صفر سنه ۱۳۲۸ و فی ۱۵ شباط سنه ۳۲۵

جمعیت علمیة اسلامیة ناک افکاریدر

صاحب امتیاز :	سر محرر :	مدیر مسئول :
فاتح مجیز درسعالمردن	فاتح مجیز درسعالمردن	مکتب نواب معلماردن
استانبول مبعوث	توقاد مبعوث	کاپسلی منیر
مصطفی عاصم	مصطفی صبری	

مندرجات

مجاهدہ روا کوریلن مؤاخذہ فی مدافہہ کوجوک حمدی	کل اناء یرشح بمافیہ حسین حزم
دیندارلق ، دیندزلک مصطفی عاصم	ادبیات :
تاریخ اسلام صحائفندن طاهر المولوی	مدنیت ، بدویت ، رویت ع . عاطف
اهل اسلام وعالوم مصطفی عاصم	مهود تاریخ اسلامیتہ دائر

نسخہ سی ۱ غروشددر

آبونه اجرتی (پوستہ اجرتیہ برابر در)

استانبول وولایات ایچون :	ممالک اجتنیہ ایچون :
برسنه لکی ۶۰ غروش	۶۰ ، ۱۲ فرانک
القی آلفانی ۳۰ «	۶۰ ، ۳۰ «

درج ایدلیان اوراق اعاده اولنماز

قارئلر مرزہ :

اکثر مقالہ ایات کریمہ و احادیث نبویہ درج ایدلیش بولندی نظر اعتبارہ آلهارق رعایتسز لکده بولنمامسی رجا اولنور

درسعات

طنین مطبعہ سندم طبع اولمشدر

ایچون هاشمیلرله خزر جیلر اراننده برصهریت تأسیسنی وجواهر نجاریه دن بردر کرانقیمتک سلسله الذهوب نبوییه علاوه سنی حکمت بالغه ربانیه اولجه شو صورنله تهیه بوورمشدی .

یوم السرارده وقعہ سی: یوم الرجاهده خزر جیلرله مغلوب اولان اونسیلار ، مختاصیلرک غلبه سنی چکمه دکلرندن یکی بر مقاتله ایچون بهانه آرامقدن کری طور مایورلری . نهایت اوسیلردن بی عوف ایله خزر جیلر دن بی حارثه بیننده هیچدن برزاع چیقار ق مبدل قتال اولدی (سرارده) موقعده درت کون قدر دوکوشدیلر . ایکی طرفدن ده برچوق مجروح وبرچوق مقتول دوشدی . سوکره یته خزر جیلرک غلبه سیله ایریدیلر .

مابعدی وار

طاهر المولوی

(اهل اسلام و علوم) مابعد

مقاله

۵

دردنجی عصر هجری به قدر علوم دنیاه و شرعیه نك هر شعبه سنده متبحر و حقدنه ایت کریمه ویا حدیث شریف ویا اجماع مجتهدین بولان مسائلک ماعداسنده اجتهاده مقدر برچوق علماء ائمه یتشمشدر . انلر استنباط احکام بابتده اتخاذ ایلدکلری مسلک اعتباریله ایکی صنفدر :

بری عراقیلر . دیگرى حجازیلردر . عراقیلرک امامی امام اعظم عنوانیه شهرت بولان ابو حنیفه نعمان بن ثابت حضرتلری . حجازیلرک مقتداسی امام المدینه عنوانی احراز ایلین حضرت امام مالکدر .

بین الفقها ائمه عراقیونه (اهل رأى و قیاس) و ائمه حجازیونه (اصحاب حدیث و انار) دینیر . بوتوصیفدن مقصد عراقیلرک سنت سنیه و احادیث جلیله اتسابلرینک محدود اولدیغی

دعوا و یاخود رأى و قیاسلرینی احادیث شریفیه ترجیح ایلدکلرینی ادعا دکلدر . کذلک حجازیلرک قیاس فقهای ادله شرعیهدن عد ایتدکلری یوانده بر اسناد و اقرا دخی قصد اولئامشدر . چونکه امام اعظم حضرتلری هر هانکی بر حکم شرعی اثبات ایچون صره سیله آیانه . احادیثه ، اجماع اتمه مراجعت ایلر . انلرک هیچ برنده چکنی بوله مدینی مسئله حقدنه اصحاب کرام حضرتانندن برذاتک سوزی بولئوب بولونمدیغی تحری ایدر اگر اول بایده اختلافن عاری برقول صحابی مطلع اولورسه درحان قبول ایلردی و شاید اقوال صحابه ده اختلاف کوررسه نصوصه الک یقین ، الک موافق اولان قولی ترجیح ایدردی . حقدنه نص شرعی ویا اجماع امت بوله مدینی و اختلافن ازاده برقول صحابی دسترس اوله مدینی نقطه لرده علمای تابعین اره سنده اختلاف ایدلمش ایسه هیچ بریسی علی طریق التقایید قبول ایتیب قیاس و اجتهاد بو یوردی . برده اخبار احاد تعبیر اولونان یعنی متواتر و مشهور اولیمان احادیث شریفه ایله عموماً قرآنیه بی تخصیص ایله مکی طوغری بولیوردی . الفاظ عمومین اولدینی جهتله جمیع مدلولاتنه شمول و تناولنده قطعیت بولونان بر نص شرعی هر هانکی بر دلیل ایله اولورسه اولسون تخصیص ایدیلدجه هم شمول و احاطه سی تحدید ایدیلرله ده حکم و دلالتندکی قطعیت ظن مرتبه سنه اینر ؛ حضرت امام ایسه دلیل ظنی درجه سنی کچمین انار احاد ایله قطعیاتی تخصیص ایدرک انلری ظنیانه تحویل ایتکی تجویز ایتیوردی .

امام مالک حضرتلری مدینه منوره سکینه سنک بلا اختلاف اجرا ایدر کلدکلری اعمالی شرع شریفه موافق و انلرک شو اجراده کی عدم اختلافی دخی مسئله نك حقیقته دلیل وسند اوله رق قبول ایدیوردی . چونکه بلده مبارکه اهالی سنک بوصورتله وقوعه کلن اجرا آتی ابا واجدادلری اولان حضرات اصحاب کرامدن کورمش

اولماریتک وانلرلد، صاحب شریعت علیه السلام افندمر
 حضرتلرندن اخذ وتلق ایلس بولماریتک دلائلدندر
 دیوردی. ابوحنیفه حضرتلری ایسه یونک بر دلیل
 شرعی اولمسی التزامتیدی. شوافذات بجهلندن آکلاشیلورکه
 هیچ بر طرف شرائط اجتهادیه سنده قصور ونقصان
 بولوندیغنه دلالت ایدمک برسبب، بر حال یوقدر.
 واختلافات واقعسندن هیچ بری هیچ برجهتک حائر
 اولدنی مزایای تنقیصه وسیله اوله میور. چونکه هر هانکی
 علمه. فقهائند اولورسه اولسون برمسئلهئی کشف ایلت
 ایچون بعضاً طرق عدیده. وسائط مختلفه موجود اوله بیلیر.
 کشف واستخراجی مطلوب اولان مسئله ؛ احکام
 شرعیندن اولونجه شرائط خصوصیه ی دأر سنده ادله
 اربعه هانکیسی ایله اولورسه اولسون استنباطی
 باطل اولماز. واقعا ادله شرعیه میاننده قوت و شرحه
 تقدیم و تأخر وارد. و قیاس فقها الزم مؤخیردر. حتی مثبت
 دکلدن مظهردر. فقط امام اعظم حضرتلری کتب. سنت
 واجماع امتدن عبارت اولان اصول نلثندن بریسی کندنجه
 ثابت ایکس آنی ترک ایله قیاسه مراجعت ایتموردی.
 شو قدر وارکه بعض ائمه عظام نظرند ادله شرعیندن
 عد اولونان بعض شیلر ایلک نظرند ادله دن معدود
 اوله میور و کذلک بعض ائمه نظرند ثابت اولان برروایت
 عندالامام معتبر اولان شرائط ثبوتی حائر اولمدیغی جهتله
 ادله عدداندن حقیقتمش اولوردی. ایسته حضرت امامان
 قیاسه مراجعتی بوکی نقطه لرددر. و بو عرض اولونان
 اسبابه منی قیاسه مراجعتی سائر مجتهدین عظام حضرتلندن
 زیاددر. بناء علیه معموماً فقهای عظامک تسلیم و تحدیق
 ایله دکلری وجهله ائمه حنفیه رأی و قیاس خصوصند ملکه
 فقه صاحبی اولمش و اوصفیه شهرت بولمشر.

ائمه حجازیه دخی حق لرنده اصول معتبره شرعیه نلثندن
 برینه ظفریاب اوله مدقلری مسئله لرد قیاس ایله حکم
 ایدرلردی. یوقه مذاهب اربعه مجتهدین عظامندن وینه

ما بعدی وار

مصطفی عاصم

کل اناء یترشح بتافیه

ما بعد

« علوم اجتماعیه دن، علوم اقتصادی و سیاسیة دن، علوم
 طبیعی و ریاضیه دن بونجه شعبات جدیده وارکه صرف
 ترقیات حاضره مخصوص ایلدر. قرون وسطاده یوقدی. حتی
 اسملری یوقدی. طبیعی السنه اسلامیه ده بو علومه دأر
 تدوین اولمش حالاً بر کتاب یوق مکرکائی. کونی آوروپا
 (مؤلفیزدن) ترجمه ایدمش اوله »